

COMUN: Al vëgn lascé alsavèi che l'Aministrasiun á intenziun da tó sö por l'isté 2025 nr. 1 studënt/ta por n practicum formatif y de orientamënt pro i ofizi de Comun. Les domandes é da dé jö tl ofize protocol dl Comun de San Martin de Tor cina en jöbia ai 24 d'aurí 2025 cina les 12.00. Informaziuns plü avisa é da cialé tla plata internet www.comun.sanmartindetor.bz.it o tl ofize personal dl comun.

PLOANIES SAN MARTIN Y LUNGIARÜ

En vëndres, ai 28 de merz vëgnel tigní 24 ores d'adoraziun sö Oies. Vigni ploania organisèia döes ores de oraziun/adoraziun do chësc orar: La lla dales 00.00-02.00; Badia dales 2.00-04.00; San Ciascian dales 04.00-06.00; La Val dales 06.00-08.00; La Pli dales 08.00-10.00; Rina dales 10.00-12.00; Antermèia 12.00-14.00; Lungiarü 14.00-16.00; Al Plan 16.00-18.00, San Martin dales 18.00-20.00; Colfosch dales 20.00-22.00 y Corvara dales 22.00-24.00.

Via Crucis sö Oies! La sabeda ai 05 d'aurí, se metará indò i ministranc y les schires joniles dla Val Badia sön tru por dí les staziuns. An piará ia düc adöm da San Linert dan colonia dales 14.45 y jará deboriada en prozesciun cina sö Oies. Da bur tēmp s'incuntarán diretamēter sö Oies dales 15.15! Dedò gnarál tigní la Santa Mëssa cun n pice renfrēs ch y aurela cörta ala fin. Düc é dēr bel inviál!

La "Pilgergemeinschaft" organisèia la sabeda, ai 26 d'aurí na "Sternwallfahrt" da deplü posc de Südtirol cina Balsan a na mëssa dales 16.00 cun le Vësc. Chi dla Val Badia s'incunta dales 7.30 a Longega y vá spo cun la coriera a La Pli a na picia funziun te dljia. Dedò a pe por Sares cina San Laurēnz. Da dailó inant cun la coriera y la ferata cina Balsan, y do mëssa indò derevers a Longega, olach'al é i auti. Por prenoté les corieres präibel anunziésse cina ai 6 d'aurí pro Rosmarie Crazzolarà tel 339 71 64 521 o pro Christian Clara tel 389 29 00 000.

L'Unité Pastoralà Val Badia invièia chi che fej val' sorvisc por la dljia tles cōres dla Val Badia a n iade a Assisi cun Christian Ferdigg dai 27 cina ai 30 d'otober 2025 (3 nōts). Al é ca 50 posc y le cost por porsona te na ciamena dopla o tripla é de 320 euro. Tl prisc por porsona é le bus y les 3 nōts tl hotel La Rocca cun gosté y cēna. Iscriziuns y info pro Holimites: tel 0471 838022 email: iadi@holimites.com

SAN MARTIN

La Uniun dles Ères da San Martin mēt a jí n curs da inrissé üs da Pasca en jöbia ai 3 d'aurí dales 19.00 a les 20.30 sö dal Ciastel de Tor cun la referēnta Rosmarie Verginer. Prenotaziuns 339 31 15 679. I posc da tó pert é limitá.

LUNGIARÜ

Aaziun de solidaritè: "I daidun cun na Buna Jopa" ai 30 de merz, do la gran Mëssa tl salf dl paisc. Cun l'oferta che vëgn trata ite, vëgnel dé sostēgn ala Misciun de suor Paola Glira por mituns desvantajá, ch'ai pois jí a scora. Org. KVV Lungiarü.

Oste fá pert dl grup jonil di stödafüch da Lungiarü? Este n jonn o na jona danter i 12 (complis cina la fin dl 2025) y 16 agn? Spo ví en vëndres ai 28 de merz dales 20.00 tl magazin di Stödafüch, olà che te cialfes depü informaziuns!

Le Raiun Sozial Val Badia chir da atira na assistēnta sozuala o na pedagoga sozuala (cualifica 7. Ter) cun la formaziun stlütta jö y le atestat de bi- o trilinguism B2, a mez-tēmp o ince a tēmp plēgn. Por info, contatēde Antonia Castlunger al 0474 524 552.



unitepastoralà.org

Plata dles Ploanies San Martin y Lungiarü

ploan siur Klaus Sottsas 344 15 54 055 - klsottsas@rolmail.net
redaziun: anton.gasser@rolmail.net - 348 27 44 517 / 0474 523194

23.03. - 30.03.25 n. 17

termo por comunicaziuns: jöbia, dales 20.00

3ª Domēnia de Carsēma C

Vangele do san Lūca 13, 1-9

Te chël tēmp n'él gnü n valgügn da Gejü y ti à cuntè de chi galilès che Pilatus â lascé copè tratan l'oferta, tan che so sanch s'â moscedè cun chël di tiers che gnô ofris. Al ti à dit: Minēise os, che mâ chi galilès sides stà picíadus deach'ara ê sozedüda insciö imparà, y düc i atri galilès no? Nou, al contrar: i moriarēis avisa insciö, sc'i ne se convertiarēis nia. Y al ti à cuntè chēsta parabola: N'él â n lēgn da fighi te süa vigna; y canch'al ê gnü a ciarè do sc'al portâ früc, nen n'al cialfè degügn. Dailó àl dit a so vignadù: ségn vëgni bele trèi agn alalungia a ciarè do sce chësc lēgn porta früc y i nen cialfi degügn lassura. Màzele ia! Cìodí dèssel pa ti tó inant la forza ala tera? Le vignadù ti à respognü: Làscele ciamò impé chësc ann; i ô sapè sö la tera incēria y l'incultè. Forsc pôrtel impò ciamò früc; sce nia, làscele spo mazè ia.



Gejü manacia chi che ne se convertēs cun n castighe.

Mo spo vá Gejü atira inant cun na parabola che dij ch'an pó perié ldi ch'al ais paziēnta, ch'al vëighes ite y ais compasciun.

Le lēgn da fighi che n'á cina sēgn porté degügn früc, pó sté impé.

l di podess castié mo al ne le fej nia.

Dala manaciada passa Chël Bel Dì ala misericordia.

Al á comprenjiun cun chi che le präia.

Al ne castièia nia la colpa ince sc'al podess.

Al á deplü misericordia co ch'i s'imaginun.

Chësc podunse aldí fora dla parabola dl lēgn da fighi y ponsé do.

Spo orunse veramēnter porté früc de misericordia cun la jēnt y cun la creaziun.

Chësc orunse fá, deach'i podun le fá.

Michael Becker



EDEMA - C	SAN MARTIN	LUNGIARÜ	D'ATRES INFORMAZIUNS
23.03.25 3^a Domènia de Carsèma C Domènia dla Solidarité cun oferta por le KVV	8.30 Corona 9.00 Zelebraziun dla Parora de Dî cun i Cresimanc	7.50 Les Staziuns ciantades dal Cor 8.15 Gran Mëssa por la comunité dl ann + Heinrich Frenademez y def. geniturs +++ Iaco, Veneranda y Ida Clara ++ siur Stachio y suor Lucia Clara (<i>don Marco</i>)	<p>D'ATRES INFORMAZIUNS</p> <p>La Portina por l'assistènza y cura pïta n domisdé de informaziun sura le Sorvisc de assistènza a ciasa: Co ti fá le guern a ciasa a persones che adora assistènza, co fá la cura dl corp y co adoré i injins sciöche le lift da bagn che dèida alzé ite na persona tla vasca o le „Rutschbrett“ che alisirèia i spostamènc dl assistí, co fá por evité plaies y d'atres complicaziuns, co stimulé la mobilisaziun fajon val spazirada o certi movimèn y ince co se sconé le spiné da fá le guern. I sëis dër bel inviá da gní a tó pert en vëndres 28 de merz dales 13.30 tl Salf Raiffeisen a Al Plan.</p> <p>La Uniun de San Vinzenz mèt a jí adòm cun le consèi de formaziun a Al Plan tl salf dla Cassa Raiffeisen en vëndres ai 11 d'aurí domisdé dales 14.00 - 18.00 n Curs de Ultimo Aiüt. Deboriada imparunse da ti fá le guern, da ti dé coraje, da ti sté dlungia, da capí y da ti dé la man tla dërta manira a persones che é tl morí. Le curs vègn tigní dales infermieres dl Distret Sanitar y é por ladin. Le curs é debann. Prèibel anunziessè cina ai 09 d'aurí pro Angela Zingerle al numer 338 24 30 045.</p> <p>Le Museum Ladin Ciastel de Tor/Aziènda Museums Provinziai chir: 1 colauradú/èssa por le sorvisc da puzené, livel III; 16 ores al'edema da mez aurí ai 30 de novèmber 2025, 6 dis al'edema dal lõnesc ala sabeda, Recuisc ghirá: avèi stlüt jö la scora d'oblianza. 1 colauradú/èssa pro la cassa y botèga; livel IV, 19 ores al'edema, dal 1 de ma ai 12 novèmb. 2025. Recuisc ghirá: Diplom dla scora mesana y implü: formaziun de almanco 2 agn tl ciamp comercial o ti seturs dl comerz, contabilité, aministraziun o secretariat o formaziun de almanco 2 agn de scora alta cun atestat de ejam ECDL Menede les domandes cun curriculum vitae a info@museumladin.it o les dé jö personalmènter tl Museum Ladin, str. Tor 65, 39030 San Martin de Tor Por infos 0474 524 020. Termo por les domandes 04 d'aurí 2025 cina les 12.00.</p>
24.03.25 <i>Elia, Oscar Romero</i> Lõnesc			
25.03.25 Dedolõnesc Anunziaziun dl Signur	8.00 Mëssa fam. Tone y Elsa Gasser + Sepl Flöss, Arzó + Albert Trebo, dl ann		
26.03.25 Dedemesaledema <i>Larissa (Lara), Tecla</i>	18.00 Les Staziuns	7.30 Mëssa + Angela Clara, Planacer vis y def. de Monica Costa	
27.03.25 Jöbia <i>Haimo, Augusta</i>			
28.03.25 Vëndres <i>Guntram, Adelheid</i>	Ores d'adoraziun sö Oies Ciarede plü avisa tla plata iadedô <i>a San Martin n'él degöna adoraziun</i>	Ores d'adoraziun sö Oies Ciarede plü avisa tla plata iadedô 16.30 Les Staziuns cun scholars y families	
29.03.25 Sabeda <i>Helmut, Ludolf</i>	18.00-18.30 Confesciuns 18.30 Mëssa prefestia + Alfred Videsott + Alfred Ploner (dla Uniun)		
30.03.25 4^a Domènia de Carsèma C Domènia di Seminars cun oferta por i Seminars ora da d'isté !!!	9.30 Corona (<i>siur Klaus</i>) 10.00 Gran Mëssa por la comunité en onur dl Spirit Sant + Emilia Vantsch Laner, dl ann	7.50 Les Staziuns y soministraziun dl òre sant 8.15 Gran Mëssa por la comunité dl ann + Roslinda Deiaco (<i>siur Klaus</i>) dl ann + Sabina Deiaco + Frida Dapoz ++ Sepl y Silvia Rives ++ Regina y Iaco Mischi	